



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-2-40-146-2/24**
Datum: **21.05.2024. godine**

Agencija za vodno područje rijeke Save" Sarajevo rješavajući po zahtjevu investitora SPD "EM" vl. Sofović Meliha iz Vogošće, za izdavanje vodne saglasnosti na izrađenu projektnu dokumentaciju za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta farme koka nosilja i pilenki koja se planira graditi u naselju Kamenica, općina Vogošća, na osnovu člana 109. stav (2) tačka 1., a u vezi sa članom 114. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 49/99 i 61/22) donosi

RJEŠENJE **o vodnoj saglasnosti**

1. Investitoru, SPD "EM" vl. Sofović Meliha iz Vogošće, daje se vodna saglasnost za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta farme koka nosilja i pilenki, kapaciteta 25000 koka i 1000 pilenki, koja se planira graditi na zemljištu označenom kao k.č. 2589/1, 2590/1, 2590/3 i 2591 K.O. Gora, općina Vogošća, prema tehničkoj dokumentaciji:
 - Glavni projekat vanjskih hidroinstalacija, urađen od strane „PERSPEKTIVA-inženjering“ d.o.o. Visoko, februar 2024. godine.
2. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se, ovjerena od strane ove Agencije, vraća investitoru na trajno čuvanje.
3. Ovu vodnu saglasnost podnosioc zahtjeva može koristiti samo u postupku pribavljanja odobrenja za građenje u skladu sa Zakonom o građenju.
4. Vodna saglasnost se daje pod slijedećim uslovima:
 - 4.1. Radove na izgradnji sistema za prikupljanje i odvodnju otpadnih voda nastalih u postupku pranja i čišćenja objekata za uzgoj i pranje procesne opreme nakon završenog ciklusa/turnusa uzgoja izvesti u skladu sa ovjerenom projektnom dokumentacijom iz tačke 1. ovog Rješenja.
 - 4.2. Otpadne vode nastale pranjem objekata i opreme nakon svakog turnusa će se sistemom slivnika i kanalizacione mreže odvesti u vodonepropusnu osočnu jamu bez preliva. Čišćenje osočne jame povjeriti ovlaštenoj komunalnoj organizaciji.
 - 4.3. Za privremeno odlaganje đubriva predviđena je armirano-betonska laguna. Ista se treba izvesti vodonepropusnim betonom sa potrebnom hidroizolacijom radi sprečavanja direktnog procjeđivanja otpadnih voda u podzemne vode.
 - 4.4. U toku radova iskopani materijal se ne smije ni privremeno odlagati na česticu vodno dobro, odnosno u vodotoke i na njegove obale.
 - 4.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
5. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosioc zahtjeva je obavezan otkloniti nastale štete, a procijenjenu štetu nadoknaditi.
6. Korisnik prava iz ove vodne saglasnosti nema pravo na naknadu eventualnih šteta prouzrokovanih plavljenjem i iste padaju na njegov teret.
7. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
8. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine FBiH“ broi: 31/15, 55/19, 41/20 i 62/22).

9. Ova vodna saglasnost se daje sa rokom važenja od 2 (dvije) godine od dana pravosnažnosti ovog rješenja, ukoliko do tog dana nije pribavljeno odobrenje za građenje i započeta izgradnja objekata u skladu sa glavnim projektom iz tačke 1. dispozitiva ovog rješenja.
10. Ova vodna saglasnost može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Investitor SPD „EM“ vl. Sofović Meliha iz Vogošće, svojim zahtjevom zaprimljenim 21.03.2024. godine, zatražio je izdavanje vodne saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta farme koka nosilja i pilenki, kapaciteta 25000 koka i 1000 pilenki, koja se planira graditi na zemljištu označenom kao k.č. 2589/1, 2590/1, 2590/3 i 2591 K.O. Gora, općina Vogošća, a u postupku pribavljanja odobrenja za građenje.

Uz provedenom postupku dostavljena je i pregledana slijedeća dokumentacija:

A. Opšta dokumentacija:

- Rješenje o izmjeni odobrenja za obavljanje obrta srodne djelatnosti, broj: 03-20—3767/13 od 20.09.2022. godine, izdato od strane Službe za privredu, integrisani lokalni razvoj i društvene djelatnosti Općine Vogošća - ovjerena kopija,
- Ovjerena kopija Uvjerjenja o poreznoj registraciji sa identifikacionim brojem 4302291260005 izdato od strane Federalnog ministarstva finansija - Porezna uprava Federacije BiH - Kantonalni porezni ured Sarajevo, dana 23.05.2013. godine,
- Ovjerena kopija lične karte,
- Ovjerena kopija Rješenja o urbanističkoj saglasnosti za izgradnju gospodarskog objekta - farma za uzgoj živine, lokalitet Gora, na zemljištu označenom kao k.č. 2589/1, 2590/1, 2590/3 i 2591 K.O. Gora, donesenog od strane Službe za urbanizam i prostorno planiranje Općine Vogošća, broj: 05-23-407/15 dana 23.06.2021. godine,
- Ovjerena kopija Rješenja odobrenju za građenje gospodarskog objekta - farma za uzgoj živine u Vogošći – lokalitet Ljubina, lokalitet Gora, na zemljištu označenom kao k.č. 2589/1, 2590/1, 2590/3 i 2591 K.O. Gora, donesenog od strane Službe za urbanizam i prostorno planiranje Općine Vogošća, broj: 05-19-1575/22 dana 30.03.2023. godine,
- Ovjerena kopija Rješenja o okolinskoj dozvoli, doneseno od strane Ministarstva komunalne privrede, infrastrukture, prostornog uređenja, građenja i zaštite okoliša, broj: 05-19-12109/23 od 04.10.2023. godine,
- Odgovor na zahtjev – vodni akti, Vodovod i Kanalizacija d.o.o. Sarajevo, broj: 679-2/21 od 11.03.2021. godine (ovjerena kopija),
- Rješenje o prethodnoj vodnoj saglasnosti broj: 07-05-21-4636/21 od 24.05.2021. godine, Ministarstvo privrede Kantona Sarajevo;
- Uplatnica za upravnu taksu u iznosu od 60.00 KM.

B. Tehnička dokumentacija:

- Glavni projekat vanjskih hidroinstalacija, urađen od strane „PERSPEKTIVA-inženjering“ d.o.o. Visoko, februar 2024. godine,
- Konačni izvještaj o izvršenoj reviziji projektne dokumentacije: Glavni projekat vanjskih hidroinstalacija farme za uzgoj živine, Vogošća K.O. Gora;
- Zahtjev za izdavanje okolinske dozvole za farmu koka nosilja „EM“ Ljubina, august 2023. godine, ENOVA d.o.o. Sarajevo.

U provedenom postupku konstatovano je sljedeće:

- Podnosilac zahtjeva je za potrebe izrade projektne dokumentacije angažirao projektnu kuću „PERSPEKTIVA-inženjering“ d.o.o. Visoko koja je uradila Glavni projekat vanjskih hidroinstalacija. Projektna kuća „PERSPEKTIVA-inženjering“ d.o.o. Visoko posjeduje ovlaštenja za izradu projektne dokumentacije broj: UP-I-07-02-21/2-528/22 AI od 27.04.2022. godine, prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“ broj 17/08 i 38/12).
- Lokacija planiranog objekta farme koka nosilja i pilenki se nalazi u naselju Kamenica, općina Vogošća, kapaciteta 25000 koka nosilja i 1000 pilenki.

- Podnosilac zahtjeva je povećao kapacitet objekta u odnosu na kapacitet koji je naveden u Rješenju o prethodnoj vodnoj saglasnosti, broj: UP-1/21-1-40-214-4/23 od 09.06.2023. godine te je za navedeno povećanje planirana infrastruktura prikupljanja i zbrinjavanja otpadnih voda i čvrstog otpada.
- Predmetna lokacija se nalazi na području kantona Sarajevo, na području gdje nema izgrađene javne kanalizacione mreže.
- Snabdijevanje vodom za potrebe predmetnih objekata predviđena je izgradnja spremnika sanitarne vode.
- U postupku rada poslovnog objekta-farma koka nosilja nastaju vode od pranja opreme i prostora nakon svakog turnusa, te procjedne iz dubrišne jame ukupne zapremine cca 17,0m³. Prikupljanje otpadnih voda će se vršiti sistemom unutrašnje i vanjske kanalizacije a potom zbrinjavati u vodonepropusnu sabirnu jamu bez preliva ukupne zapremine V=5,0m³. Čišćenje sabirne jame će se vršiti od strane ovlaštenog lica.
- Kruti otpad koji će nastajati pražnjenjem objekata za smještaj koka nosilja nakon turnusa će se privremeno zbrinjavati u vodonepropusnoj dubrišnoj jami-laguni u sklopu objekta a potom odvoziti na poljoprivredne površine.
- Urbanističke uslove za izgradnju predmetnog poslovnog objekta, podnosiocu zahtjeva je nadležni organ propisao kroz izdato Rješenje o urbanističkoj saglasnosti.

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, broj: UP-1/21-1-40-214-4/23 od 09.06.2023. godine izdato od strane «Agencije za vodno područje rijeke Save» Sarajevo, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja, data je vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu 60,00 KM u skladu sa članom 7. stav 1. Tarifni broj 43. Zakona o federalnim upravnim taksama („Službene novine Federacije BiH“, broj 6/98, 9/08, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja. Žalba se predaje ovom organu neposredno ili preporučeno poštom. Žalba se taksira sa 15 KM administrativne takse. Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Po ovlaštenju
Rukovodilac sektora za izdavanje
vodnih akata

Haris Ališehović
Haris Ališehović, dipl.inž.grad.

Dostaviti:

- SPD „EM“, Ljubina bb, 71320 Vogošća (Prilog - tehnička dokumentacija navedena pod tačkom B. obrazloženja Rješenja)
- AVP Sava – ISV Vodna knjiga
- Sektor 40 – Arhiva
- Oglasna ploča - AVP Sava

